



Ժողովրդագրական իրավիճակի բարելավմանն ուղղված և երեխայի խնամքի համար տրամադրվող աջակցության պետական ծրագրերը

Ազգային ժողով- ԶԳԿ համագործակցության հարթակի հանդիպում

Ս.թ. փետրվարի 26-ին կայացավ Ազգային ժողով- ԶԳԿ համագործակցության հարթակի հանդիպումը, որի նպատակն էր հավաքագրել փորձագիտական առաջարկներ ժողովրդագրական իրավիճակի բարելավման և երեխայի խնամքի համար տրամադրվող աջակցության պետական ծրագրերի վերաբերյալ:

Հանդիպումը նախաձեռնվել էր «Նոր Հայաստան՝ ժամանակակից խորհրդարան» ծրագրի շրջանակներում: Ծրագիրն իրականացվում է ՄԱԿ-ի Չարգացման ծրագրի հայաստանյան գրասենյակի, ՀՀ Ազգային ժողովի, ՕքսեՋեն հիմնադրամի, Ժողովրդավարության Վեսթմինսթր հիմնադրամի, Մարդկային զարգացման միջազգային կենտրոնի հետ համատեղ, Միացյալ Թագավորության «Լավ կառավարման հիմնադրամի» և Շվեդիայի կառավարության օժանդակությամբ:

Որոշումներ՝

- Հարթակի հանդիպման ամփոփաթերթից բացի պատրաստել նաև քաղաքականությունների մասին դիրքորոշման փաստաթուղթ:
- Հարթակի հաջորդ հանդիպման թեմաներ. (ա) Զրեական- քրեադատավարական օրենքի փոփոխման հարցեր, որոնք վերաբերում են բռնության ենթարկված անձանց (բ) Չբաղվածության ծրագրերի հետ կապված մշտադիտարկման արդյունքների ներկայացում. առաջարկները կներկայացնի նաև ՄԱԿ-ի Չարգացման ծրագրի «Ես եմ համայնքը» ակումբի երիտասարդները:

Առաջարկներ

- Փոփոխություններ անել «Մինչև 2 տարեկան երեխայի խնամքի և երեխայի ծննդյան միանվագ նպաստների բարձրացման վերաբերյալ» նախագծի համապատասխան իրավական ակտում¹ և թույլ տալ, որ այս որոշումից օգտվեն նաև գյուղական բնակավայրում ապրող այն ծնողը, ով բնակվում է մարզում ավելի քան 5 տարի և ունի մինչև երկու տարեկան երեխա: Հաշվարկել նաև, թե նման որոշման արդյունքում, որքան լրացուցիչ գումար պետք կլինի հատկացնել բյուջեից:

¹ Իրավական ակտով նախատեսվում է 2020 թվականի հուլիսի 1-ից մինչև երեխայի երկու տարեկանը լրանալը խնամքի նպաստ նշանակել նաև ՀՀ բնակչության պետական ռեգիստրում երեխայի հետ նույն գյուղական բնակավայրի հասցեով հաշվառված և փաստացի բնակվող ծնողին, եթե երեխայի ծննդյան օրվա դրությամբ առնվազն մեկ տարի անընդմեջ ծնողը հաշվառված է և փաստացի բնակվում է գյուղական բնակավայրի հասցեով: **Հարկ է նաև նկատի ունենալ, որ նշված կարգավորումները տարածվելու են այն դեպքերի վրա, երբ երեխան ծնվել է 2020 թվականի հուլիսի 1-ին և դրանից հետո:** Գյուղական բնակավայրում բնակվող ծնողին, ով չի հանդիսանում վարձու աշխատող 2020 թ. հուլիսի 1-ից նշանակվող խնամքի նպաստի չափը կկազմի 26,500 դրամ:

- Մոնիթորինգի ենթարկել առաջին երեխային տրվող նպաստի արդյունավետությունը՝ ժողովրդագրական իրավիճակի բարելավման համատեքստում: Փորձագետներն առաջարկում են հետազայում վերանայել և հրաժարվել առաջին երեխային տրվող նպաստից և այդ գումարն ուղղորդել այլ միջոցառումների վրա:
- Մեխանիզմներ մշակել խնամքի ինստիտուտի կայացման համար, որպեսզի նպաստի գումարը ծառայի իր նպատակին և ուղղվի երեխայի կարիքների լուծմանը.
 - ✓ Ընտանեկան բռնության ենթարկված անձանց հետ աշխատող 34-ները փաստում են, որ նպաստները հաճախ ստիպողաբար յուրացվում են բռնարարի կողմից և ուղղվում ոչ երեխաների կարիքները հոգալուն: Գումարի տնօրինումը վերահսկելու նպատակով անհրաժեշտ են մեկանիզմներ մշակել՝ ուսումնասիրելով միջազգային փորձը, օրինակ՝ Ռուսաստանում առկա է «Մայրական կապիտալի» գաղափար, երբ կնոջ անունով բանկում բացված է հաշվեհամար և ինքն է տնօրինում գումարը կամ ԱՄՆ-ի օրինակը՝ վաուչերային տարբերակը կամ գումարի փոխարեն տրամադրել երեխաների խնամքի համար անհրաժեշտ պարագաներ, որպես կորսված եկամուտի մասնակի փոխհատուցում:
 - ✓ երեխա ունենալը հաճախ դառնում է եկամուտի հիմնական աղբյուր, որն էլ հաճախ բերում է մանկալքության դեպքերի, երբ ծնողները խնամքի կենտրոններին են հանձնում իրենց երեխաներին:
- Աշխատանքը և ընտանիքը համատեղելու համար մշակել գործուն մեխանիզմներ. դայակի ինստիտուտի կայացման հարց, կերակրող մայրերի համար ավելի ճկուն աշխատանքային գրաֆիկ. փորձագետները նշում են, որ նպաստները չէ, որ խնդիրն լուծում են բերելու:
- Կնոջ մայրանալու հարցը հաճախ շահարկվում է գործատուի կողմից և նրան դարձնում առավել խոցելի աշխատաշուկայում.
 - ✓ Մայրացած կանանցից շատ քչերն են վերադառնում աշխատանքի և կարիերայի լուրջ խնդիրների առջև են կանգում.
 - ✓ Գործատուն հաճախ չի ընդունում աշխատանքի կանանց՝ հաշվի առնելով մայրանալու դեպքում ֆինանսասական պարտավորվածությունները:

Առաջարկ՝

- Խրախուսել գործատուին մայրացած կնոջը աշխատանքի պահելը. հարկային արտոնություններ սահմանել, օրինակ, եկամտահարկի նվազեցում:
 - Դրամական տույժի ենթարկել այն գործատուին, ով անգամ բանավոր հարցազրույցի ժամանակ կհարցնի նրա ընտանեկան կարգիվիճակի և երեխա ունենալու պլանների մասին:
 - Պետական աջակցության ծրագրեր՝ ուղղված բնակարանի բարելավման հարցը լուծելուն, ինչը խնդիր է ոչ միայն քաղաքաբնակ, այլև գյուղաբնակ ընտանիքների համար: Փորձագետները նշում են, որ ընտանիքը չի պլանավորում նոր երեխա՝ բնակարանային պայմանների ոչ բավարար լինելու պատճառով:
 - Ստեղծել մանկապարտեզների այլընտրանքային մոդել՝ անցնել մարդ – ծառայություն կոնցեպտի:
 - Ստեղծել դայակների լիցենզավորման ինստիտուտ
- Կառավարության կողմից ներկայացված ծրագրերում առկա չեն պատշաճ հիմնավորումներ. օրինակ, կոնկրետ թիրախային խումբը, շահառուների թիվը, ինչպես ենք չափելու արդյունքը, ինչը բարդացնում է, որևէ փորձագիտական կարծիք հայտնել տվյալ ծրագրի վերաբերյալ: